

Transkription von Urkunde HST 1452a

Ort, Datierung: Stralsund, 1452-01-19

Signatur: Stadtarchiv Hansestadt Stralsund, StU 1176 [\[online\]](#)

Inhalt: Bruderschaft St. Jakobi Stralsund: Quittung

Jk Conradus wenthaghen Bertoldus ludenhusen p(re)stere . Bernd vlesch Borg(er)mester . Arnd
parleberch Borgher / tom Sunde vn(de) vorstendere des hilghen lich(n)ames brod(e)rschop to sunte
Iacobe . wij bekennen vn(de) betughen open=/bare in desem jeghenwordig(en) breue vor vns vn(de)
vnse nakomelinghe vorstendere dat wij hebben entfangen / vn(de) vp ghebort to vnser vullenkomener
noghe van deme erbaren ma(n)ne her Otte voghen Borg(er)mester / in der vorscre(ue)n stat
anderhalfhundert m(a)rk sundesscher pen(nin)g(e) vn(de) twelff m(a)rk de wij do ok to achter weren /
van pacht also dat wij ij den twelff m(a)rk gheld(es) de wij in deme hoŭe hadden alse vns vn(de) vnser
nakomeling(en) / de her nicolaus haghedorne vor settet hadde . also dat wij dar nictes nicht ane be
holden in blomenberges / hoŭe to lutzowe men wij sin dar gantzliken ane boret vn(de) vor noghet
vn(de) wol betalt to eyne(m) gantzen ende / to eyner tuchnisse der warheit so hebbe wij vorstendere
vorben(omede) vnse jngheseghele myt willen vn(de) wetenheit / to eyner quitantzien ghehenghet an
dessen breff de gheuen vn(de) ghescre(ue)n is tom sunde na god(es) bort xiiii^C jar / dar na in deme
twevndefteghsten jare vp sunte fabianus vn(de) sebastianus auende der hilghen mertelere